

thun uff sotene zciit wiese vnd stete also vorgeschriben ist ane allirleie infall, ane vorbietunge vnser hern, ane bekummernisse geistliches vnd wertliches gerichtes vnd ouch ane allirleie hulffrede adir weddirwort, domit wir yn diese vorgeschribene bezalunge vorziehen vnd wegern mochten. Were abir, das wir die bezalunge als obengeschriben ist nicht enteten, was redelichen schaden die egnanten vnser glouber denne darvmmen teten zcu cristen adir iuden, den schaden wollen wir en benehemen ane allirleie hulffrede vnd ane geuerde. Vnd das wir alle disse vorgeschribene artickele stete vnd veste wollen halden, haben wir dissen vnsern brieff mit vnsern grosten anhangenden ingesigile vorsigelt, der gegeben ist nach Cristi vnser hern geburt virczenhundert iar dornoch in dem viervnddrissigisten iare am sonnabende nach sente Franciscus tage.

Nach dem Orig. im Rathsarchiv zu Leipzig mit dem grossen Stadtsiegel an einem Pergamentstreifen.

No. 186. 1434. 26. Dec.

Kurfürst Friedrich II. und Herzog Sigmund verkaufen der Stadt die Gerichte im Weichbild (dessen Beschreibung beigefügt wird), für 3000 Rhein. Gulden unter Vorbehalt des Wiederkaufs. Vergl. No. 135.

Wir Friderich von gots gnaden des heiligen Romischen reichs erzmarschalkg vnd Sigmund gebrudere herzogen zcu Sachsen, lantgrauen in Doringen vnd margrauen zcu Missen bekennen offentlichin mit dissim bryeue vor vns vnd alle vnsir erben vnd erbnemen, das wir mit wolbedachten muthe vnd rate vnsir ratgebin vnd getruwen heymelichir durch manichfeldige getruwer dinste vnd volge willen, die vns die ersamen vnsere liben getruwen burgirmeistere rete vnd die gancze gemeyne vnsir stad Lipezk in mannichirleye sachen vnd stugken getan vnd getruwiclichin bewesed haben vnd nach furbas thun werden, auch durch zcunemunge vnd besse-
 runge der vorgnanten burgirmeistere reten vnd ganczen gemeyne vnd durch oren nachkomelingen der selbin stad Lipezk recht vnd redelich vorkaufft haben vnd furkauffen mit krafft dissis bryeues alle vnsir gerichte in wichbilde doselbist zcu Lipezk obirste vnd nedirste, obir hals vnd hand, vordingen vnd gerichte vbir alle schult, mit allen bußen wetten genysen zeugehorungen zeinßen vnd renten, als wir vnd vnsir voite doselbins von vnsir wegen das bißher gehabt besessen vnd gebrucht habin vnd in allirmasse, als das auch fur vns die erbrichtere zcu Lipezk besessen vnd gebrucht haben, keyns das zcu dem selbin gerichte formals gehord had vnd gehoret vßgeschlossen, vnd habin in das vorkaufft uff eynen wedirkauff, der czu vns vnsir erben vnd erbnemen stehin sal, vor drytusind Rinische gulden gud an golde vnd swere gnug an gewichte, die sie vns bereite gancz vnd wol beczalet vnd die wir furbas in vnsir herschafft, vnsir lande nucz vnd fromen kuntlichin gekart vnd gewand habin. Das selbe gerichte mit allir seiner zeugehorunge vnd nutezen vor benand haben wir an sie alreite lassen weißen vnd on das ingegebin, weisen vnd ingebin mit crafft dissis bryeues, vnd wollin heisen vnd gebiiten von gewissir wissintschafft vnsern